

续博物志

李石

文硕阁

wenshuoge.com

目录

关于我们 3

提要 5

原序 6

卷一 7

卷二 11

卷三 15

卷四 18

卷五 21

卷六 24

卷七 27

卷八 31

卷九 34

卷十 38

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨按续博物志十卷旧本题晋李石撰然第二卷称今上于前朝作镇睢阳泊开国号大宋是宋太祖时人矣而又称曾公亮得龙之脊王安石得龙之睛全摭陆佃埤雅之說又引子华子陈正敏遯斋闲览曾慥集仙传均南北宋间之书则并非北宋初人别本末有其门人廸功郎眉山簿黄宗泰防称为方舟先生方舟为宋李石之号所作诗如例已备録经部中则称晋李石误也然石为绍兴乾道间人亦不应称太祖为今上殆亦剽掇說部以为之仍其旧文末及削改欵其书以 张华所未备惟华书首地理此首天象体例小异其余虽不分门类然大致畧同故自序谓次第仿华說一事续一事然龟巢莲叶一条与华說复出竟不及检又王士禎香祖笔记摘其既云刘亮合仙丹得白蝙蝠服之立死又云陈子真得蝙蝠大如鸦食之一夕大泄而死乃更云丹水石穴蝙蝠百歳者倒悬得而服之使人成仙自相矛盾又摘其以文帝使掌故欧阳生受伏生尚书以伏生墓为在漯水以礪溪为在汲郡皆附防舛误特以宋人旧笈轶闻琐语间有存焉姑録以备参考云尔乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

原序

续博物志原序

按张华博物志书四百篇武帝恐涉浮妄令更芟截分为十卷盖不以博为博而以约为博也李石又从而续之不防又涉繁芜乎然华所志者仿山海经而以地理为编石所志者取天官书而以象纬为冠庶防由天地以及山海由山海以及人物固无之或遗矣合二书而卷帙无多则尤从约见博尔吴兴董氏又广之而为五十卷则又在博物者之更为考核兹则仍二篇之旧各书十卷令观者便于采览尤不失博物之意焉

康熙戊申一阳月望日星源汪士汉识

卷一

钦定四库全书

续博物志卷一

宋 李石 撰

张华述地理自以禹所未志且天官所遗多矣经所不载以天包地象纬之学亦华所甚惜也虽然华仿山海经而作故略或曰武帝以华志繁俾芟而略之余所志视华岁时绵历其有取于天而首以冠其篇次第仿华说一事续一事不苟于搜索与世之书者小异而比华所志加详

尔雅既曰释天不得不略言其趣凡有六等一曰盖天文见周髀如盖在上二曰浑天形如弹丸地在其中天包其外犹如鸡卵白之绕黄 雄桓谭张衡蔡邕陆绩王肃郑 之徒并所依用三曰宣夜旧说云殷代之制四曰昕天昕读为轩言天北高南下若车之轩吴时姚信所说五曰穹天云穹隆在上虞氏所说六曰安天晋时虞喜所论郑注考灵曜云天者纯阳清明无形圣人则之制璿玑玉衡以度其象如郑此言则天是太虚本无形体但指诸星运转以为天耳

天围圜三百六十五度四分度之一案考灵曜云一度二千九百三十二里千四百六十一分里之三百四十八周天百七万一千里者是天圆周之里数也以围三径一言之则直径三十五万七千里此为二十八宿周回直径之数也然二十八宿之外上下东西各有万五千里是为四游之极谓之四表四表之内并星宿内总有三十八万七千里然则天之中央上下正半之处则一十九万三千五百里地在于中是地去天之数也

日有九道故考灵曜云万世不失九道郑注引河图帝览嬉云黄道一青道二出黄道东赤道二出黄道南白道二出黄道西黑道二出黄道北日春东从青道夏南从赤道秋西从白道冬北从黑道

律历志云角一十二度亢九氏十五房五心五尾十八箕十一斗二十六牛八女十二虚十危十七营室十六壁九奎十六娄十二胃十四昂十一毕十六觜二参九井三十三 四柳十五星七张十八翼十八轸十七此三百五度二十八宿之度也

丑为星纪初斗十二度终于婺女七度子为 枵初婺女八度终于危十五度亥为娵訾初危十六度终于奎四度戌为降娄初奎五度终于胃六度酉为大梁初胃七度终于毕十一度申为实沈初毕十二度终于井十五度未为鹑首初井十六度终于柳八度午为鹑火初柳九度终于张十七度巳为鹑尾初张十八度终于轸十一度辰为寿星初轸十二度终于氐四度卯为大火初氐五度终于尾九度寅为析木初尾十度终于斗十一度

汉律厯志以前厯上元泰初四千六百二十七歲至元封七年復得閼逢攝提格之歲中冬孟康曰言復得者上元泰初時亦是閼逢之歲歲在甲曰閼逢在寅曰攝提格此謂甲寅之歲也然則乙卯曰旃蒙單閼丙辰曰柔兆執徐丁巳曰強圉大落戊午曰着雍敦牂己未曰屠維協洽庚申曰上章涒滩辛酉曰重光作噩壬戌曰默闾茂癸亥曰昭陽大淵獻甲子曰閼逢困敦乙丑之歲曰旃蒙赤奮若

正月得甲則曰畢陬二月得乙則曰橘如三月得丙則曰修病四月得丁則曰圉余五月得戊則曰厉臯六月得己則曰則且七月得庚則曰室相八月得辛則曰塞壯九月得壬則曰終十月得癸則曰極陽十一月得甲則曰畢辜十二月得乙則曰橘涂

八分二十八宿為十二次晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天是歲星年行一次也

山海東荒經曰大荒之中有山名曰大言日月所出有波谷山者有大人之國又云大荒之中有山名曰合虛日月所出有中容之國河圖括地象云二儀氣分伏者為天偃者為地

物理論云水土之氣升為天

廣雅云東方蒼天東南陽天南方炎天西南朱天西方成天西北幽天北方天東北變天中央鈞天

五經通義云天神之大者曰昊天上帝其佐曰五帝淮南子云日出暘谷浴于咸池拂于扶桑是謂晨明登于扶桑是謂朏【音斐】明至于曲阿是謂朝明臨于曾泉是謂朝食次于桑野是謂晏食臻于衡陽是謂禺中對於昆吾是謂正中靡于鳥次【西南山谷】是謂小遷至于悲谷是謂晡時回于女紀是謂大遷經于泉隅是謂高春頓于連【音爛】石是謂下春爰息六螭是謂懸車薄于虞泉是謂黃昏淪于蒙谷是謂定昏日入崦嵫【落棠山】經細柳入虞泉之地蒙谷之浦垂景在樹端謂之桑榆

呂氏春秋曰白人之南建木之下日中无影蓋天地之中也

漢書云月立夏夏至行南方赤道曰南陸立秋秋分行西方白道曰西陸立冬冬至行北方曰北陸分則同道至則相過晦而見西方謂之朏朔而見東方謂之朒亦謂之側匿朏健行朒縮遲

周官天星皆有分野角亢氐兗州房心豫州尾箕幽州斗女州虛危青州室東壁并州奎婁胃徐州昂畢冀州觜參益州東井輿雍州柳星張三河翼軫荊州

鄭司農云保章氏五云之物二至二分觀云色青蟲白喪赤兵荒黑水黃丰東方朔別云凡占東畔當視天有黃云來如覆車五谷大熟青致兵白致盜烏黑多水赤火

京房风雨占 曰黑云如一疋阜二日中一日大雨二疋三日雨三疋十日雨

易纬曰八节之风谓之八风吕氏春秋云东北曰焱风亦曰融风东曰滔风东南曰薰风南曰巨风西曰飏风西北曰厉风北方曰寒风

王充论衡曰圖画之工图雷之状如连鼓形又图一人若力士谓之雷公使左手引连鼓右手椎之春秋震夷伯之庙谓劈歷破之是也霹 俗字也

梁太后信兄冀诛杜乔李固雷震宪陵寝屋

太平之时十日一雨一歲三十六雨

晋中兴书曰甘露降耆老得敬则松柏受之尊贤容众则竹苇受之一曰天酒虹依云陰而昼见于日冲无云不见大阴亦不见

炎帝赤精之君火官之臣火庭氏也

明皇在长安诏一行铸浑仪及大衍历先是汉洛下閎云此历后一千年差一日有圣人出而正之至是果一千年因以一行为圣人僧一行本名遂俗姓张氏后出家改名敬贤迁化诏起塔铜人原諡大惠禅师并御制碑八分书

二十八宿为其有二十八星当度故立以为宿推测者多变如毕有十七度半觜半度星既不当度自不当用为宿星度皆以赤道为法黄道则有斜有直与赤道不等

刘知防曰两曜日星丽于天象非如九州万国废置无常故海田可变而景纬无易必欲刊之国史施于何代不可也史记书有天官读者竟忘其悞班固天文志非汉事而 入汉书已乖越矣且如荧惑退舍宋公延龄中台告坼晋相速祸星集颍川而贤人聚月犯少微而处士亡如斯之 志之可也若乃体分蒙渰色着青苍丹曦素魄之 次黄道紫宫之分野既不预于人事乃编之于防书又曰天文有志何不为人形志乎

太歲在丑乞漿得酒太歲在巳販妻鬻子藕生应月闰月益一节芋以十二子为卫亦应月之数也

俗以五月雨为分龙雨一曰隔辙雨

云五色为庆三色为霽或曰外赤内青为霽 雄曰紫蜺霽云朋围曰君子小人并进也

郭璞曰蓬飞磈则天风春则天雨蓬蠨也传曰雷不盖醬令人腹中雷鸣月上下 之时触醬輒壞里俗忌之

自古帝王五运之次有二说邹衍以五行相胜为义刘向则以相生为义汉魏共遵刘说

关东西风则晴东风则雨关西西风则雨东风则晴阳之専气为霁阴之専气为霰

中国有洞天三十六所皆谓之天第一王屋山洞天周回万里名小有清虚天其次委羽山洞天周回万里名大高空明天其次太 总真天其次三 极真天其次宝仙九室天其次上玉清平天其次珠明耀真天其次金坛华阳天其次左神幽虚天其次成德 天皆仙人所居也

木与木相摩则然金与火相守则流陰阳错行则天地大乱于是乎有雷有霆水中有火乃焚大槐枝间往往见细石形如小斧谓之霈 斧或谓云霈 楔案 中记云玉门之西有国山山上有庙国人歳歳出磬数千名霈 磬给霈 用从春至秋乃罢礼记有杂金鑽牛角鑽鑽与磬同音祖合切

京房易 曰四方常有大云五色具而不雨下有贤人 防将风则踊翬欲雨则鸣

汉博士刘熙曰豫司兗冀以舌腹言之天显也在上高显也青徐以舌头言之天坦也坦然高而遠也

续博物志卷一

卷二

钦定四库全书

续博物志卷二

宋 李石 撰

汉明帝为太子乐人以歌四章賛之一曰日重光二曰月重轮三曰星重曜四曰海重润

鲸鱼者海鱼也大者长千里小者数千丈一生数万子常以五月六月就岸生子七月八月导从其子还大海中鼓浪成雷喷沫成雨水族惊畏莫敢近其雌曰鲛大者亦长千里

禽经曰鷺飞则蜮沈鵙鸣则虵结又曰鸛俯鸣则阴仰鸣则晴

白蚁闻竹鸡之声化为水竹鸡自呼泥滑滑是也或曰白鸡之雄亦能化白蚁

鸛性甘带每遇巨石知有蛇即如术士禹步其石防然而转南方学其法伺其养雏缘木以箴絙缚其巢鸛必作法解之乃于木下铺沙印其足迹而仿之

暮鸛鸣即小雨朝鸛鸣即大风

物有异体而相制者翡翠屑金人气粉犀北人以鍼敲冰南人以线解茶

高诱注淮南子云方诸大蛤也熟摩拭令 以向月则水生许慎说文曰诸珠也方石也

有一国王小夫人生一肉团大夫人妬之作木函弃之常河水后河边人得之肉破生千小儿勇健欲伐父王国小夫人以乳五百道射小儿口遂弛弓仗号为贤刼千佛

帝尝有四妃一生帝摯一生帝尧一生商之先一生周之先商后封于宋都商丘

今上于前朝作鎮睢阳泊开国号大宋又建都在大火之下宋为火正按天文心星为帝王实宋分野天地人之冥契自古罕有

孔子生于鲁襄公二十二年

老君其母曾见日精下落如流星飞入口中有娠七十二歲而生于陈国涡水李树下剖左腋而生长一十二尺

佛者本号释迦文即天竺释迦卫国王之子于四月八日夜从母右脇而生有三十二相当周庄王九年鲁庄公七年夏四月常星不见夜明是也

鼃脂得火可以燃铁

佛以三月十五日夜出家二十九出家三十五得道宁国论云蜀中本无獠獍为德阳山谷洞中攘攘而出转转渐大自为夫妇而益多夫土干则生蚤地湿则生蚊积谷则生蠹腐肉则生蛆蛆化为蝇蝇又自生蛆蛆又生蝇岂有穷乎

日月蚀而私者生儿则多疾日月晦朔 望而私者生儿则愚痴瘡症钩绞丫戾逐阵而私者生儿多凶暴无礼亦犹木日造麴而酸水日造酱则生虫九焦日种谷则不生芽六合日遣不去火日安蜂则 苦土日种麻则不生

麈尾能留红扫毡毡不蠹

駝粪烟杀蚊壁虱

李卫公言鷲惊 防防猷火孔雀辟恶

水母生儿无目 鼈生儿无耳

桐庐人尝伐竹遗竹见一宿竿雉头蛇身犹未变乃知竹为蛇蛇为雉头先化曾于青城山小路上见之

所以壽者无死气于中也

河水东北有石室室中若有积卷因谓之积书岩每见神人往还世人不悟其为仙者又谓之神 彼土目 曰唐述因名其山曰唐述山堂曰唐述窟道术之士多往栖焉

巫咸山在安县东南巫咸右手操青蛇左手操赤蛇羣巫所从上下大荒西经曰巫咸即巫盼巫彭巫姑巫真巫孔巫抵巫谢巫罗

先提山有钩蛇长七八丈尾末有岐蛇在山涧水中以尾钩岸上人牛食之水傍瘴气特恶气中有物不见其形其作有声中木则折中人则害名曰 弹郡有罪人徙之禁防不过十日死也

真菊可以延龄野菊可以防人张华云黄精益壽钩吻杀人是矣

子程子曰昔洛阳北部有母既生子病不能自举乳求他妇负哺之子婴及孩母疾不间子长

不识所育负哺者盗其爱二母忿鬪于庭子右负哺者而反疎其生母

有人为山魃所祟或教以爆竹如除夕可弭人用其言获安问之则曰此荆楚歲时记以辟山魃 陰冷之气胜则声阳以攻之

莆者其状如蓬枝多叶少根如丝叶如扇不摇自动风生主庖厨清凉驱杀虫蝇以助供养
尧时生于庖厨为帝王去恶孙柔王充白虎皆云太平时 生于庖厨中燠一炬火爨一镬水
终日不能 倚一尺冰置之 厨终夜不能寒

师旷奏清角有 集廊门延颈而鸣饰翼而舞今世有驯养之 闻歌曲拊掌而舞者习之也

正月上辰出水边盥濯食蓬饵以祓邪汉仪也

雏乌形 鸦乌纯黑而觜红亦曰阿雏乌乌鸦反哺为慈乌腹下白不反哺为鸦乌白头羣飞
为燕乌大而白头为仓乌卑居为楚乌又鸦乌为贾乌庄子曰鸦贾也

相家说人臣得龙之一体当至公相曾公亮得龙之脊王安石得龙之睛

鱼劳则尾赤人劳则髮白

鱣黄鱼口在颌下无鳞长鼻软骨俗谓玉板长二三丈江东呼为黄鱼

网鱼得鰾不如啖茹

南越志曰乌鰂懷墨而知礼江东人或取其墨书契以给人物书迹如淡墨逾年墨消空纸耳

抱朴子蟾蜍壽至千歲者头上有角颌下有丹书八字裴頠崇有论曰鸟无胃肺蛤蜊无脏蛭
以空中而生 以无胃而育

聒抱者鸛鵒鸛鵒也影抱者 鼃鼃也

视防制柂观鱼制帆

神和子姓屈突名无为字无不为张咏布衣时遇之海蟾子姓刘名昭遠华山陈抟馆之道院
与种放往来广德先生杜光庭处州人仕唐为内供奉避乱入蜀王氏爵为师臣

尔朱先生伪蜀广政中饮酒食猪臠渝州刺史谓其幻惑以竹笼沈之江至防为渔人所得上
升严补阙得青金丹方朱桃椎薛稷图其形传于世

吕洞宾谓侯生曰蛇蝎天地淘以自然之气使之生以遂性杀此救彼有损无益取纸 语三口共一室室畔水偏清乃吕洞宾字

陈希夷先生一睡或半岁或三数月近亦不下月余留藏真息饮纳玉液吾睡真睡也曾与毛女游

鲤鱼大小并三十六鳞

猯能跳入虎耳中见鹊便自仰腹受啄

水蛭亦如鱼子经三年得水犹活

蛇蛻塞两耳治疟疾覆盆子是莓子竿取汁合成膏涂发不白鬻鹿非八卦辰属不羴羴能温补于人生死无尤道家听用为脯

天宝中河南缙氏县太子陵仙 观每年九月三日夜有道士一人得仙已有旧例至日具姓名申府张竭忠为令不之信阴令二勇士执兵覘之至三更有一黑虎入观来衔一道士射之不中弃道士而去令于是申府请弓矢大猎石穴中格杀数虎或金简玉录冠帔髮骨甚多其观遂废为陵使之居

晋元康中梁国女子许嫁而夫戍经年不归女家更强以适人寻病亡夫还问女所在夫径至墓开棺女遂活因与俱归后壻闻知诣官争之王导曰此非常事不可以常理断之宜还前夫

惠帝世杜锡家葬婢误不得出后十年开冢祔 而婢尚生初婢之埋年十五六及开冢更生犹十五六嫁之有子

太和中开周世冢得殉葬女子数日而有气数日而能言郭太后爱养之又太原人破棺得一生妇人视其墓木可三十岁

南方木凝其大如槩 鼻涕闻人气则闪闪而动堕人体成疮以麝香朱砂涂之愈

续博物志卷二

卷三

钦定四库全书

续博物志卷三

宋 李石 撰

禹长九尺九寸汤长九尺孔子长十尺文王长十尺伍子胥长一丈眉间一尺韩王信八尺九寸金日防八尺二寸东方朔九尺三寸王莽时奇士巨母霸长一丈大十围本出于蓬莱魏咸熙大人见襄武长二丈脚迹三尺二寸苻健皇始四年有长人身长五丈是月霖雨河渭泛溢中流得大履一 长七尺三寸履指长尺余

汉武故事东郡送一短人长七寸曰巨灵光武时颍川张仲师长二寸东方朔曰西北荒中有小人长七寸朱衣 冠 国男女皆长七寸海鹄吞之腹中不死

子华子曰黄帝之治天下也其精微之感荡上沈而下浮为百福之聚是百神受职于庚也帝乃采铜炼刚质也登彼 山就高明也作大鑪者鼓阳化神鼎者熟物之器也上水而下火二气升降以相济中和之气也羣龙者众阳之气云者龙属也帝乡者灵台之阙而心术之变也弓裘衣冠者帝之所以善世救俗之具也甚矣世之好怪也后世必有人主好高而慕大以久生轻举为羡慕者左右狡诈希宠之臣又从而逢之是将甘心于黄帝之所造也

玉局观洞高骈帅蜀取罪人以绳绊其腰令探浅深绳两月方絶出青城山洞天观门

巫山道士黄万防以符药救人蜀王建召之铺草席水面泝流而上一日至成都省郎曹图鄙其人

李德裕好饵雄朱有道士自云李终南笑曰此是世间凡火服之反促壽因出一玉象子状如拳曰此可求勾漏莹澈者燃香致象鼻下勿令妇人鸡犬见之三五日象自服之即复吐出乃可服此火玉太阳之精凝结已三万年以相公好道因以奉借唯忠孝是念无自贻咎又出金象云此是雌者贵其相伴不尔玉象飞去德 服之有异乃于都下采聘名姝至百数不止象砂不复吐后南迁再遇道士怒甚索二象是夕风雨涛濊并作玉象如团火飞出船德 死于朱崖

顏真卿遇道人陶八八授以碧霞丹饵之曰七十上有厄如有即吉后为卢杞所陷缢死希烈败返葬状貌如生徧身金色爪甲出手背 髮皆长数尺人咸异之后有商人遇之于罗浮山寄书至偃师顏氏守茔者曰此先太师亲翰书法 头马尾真得仙也

唐武宗四年官市郎巾有疑为狼筋者有老僧云贫道昔曾以一千于贾胡市得三枚状如巨

蝓两头光带黄色泾帅段祐宅失银器十余集奴婢环庭炙之虫栗动有一女奴脸唇瞤动乃窃器者

返魂香东方朔曰月氏国使者献香曰东风入律百旬不休青云干吕连月不散意中国将有好道之君故搜奇蕴异而贡神香乘沈牛以济弱渊防骥足以度流沙今十三年矣香能起夭残之死疾长生之神药也疾疫夭死者将能起之以薰牙及闻气者即活明日失使者所在后元元年长安疫死者大半帝分香烧之死未三日皆活芳气三月不歇余香一旦死亡

凉土异物志葱岭水分流东西西入大海东为河源禹所言昆仑盖本河所出也潜发于蒲昌洛书所纪出于重野经积石为中国河也张騫但能至大宛见河水初原达其潜发处桑钦水经云昆仑在河水西北去嵩高五万里其高万一千里酈道元云昆仑之山三级下曰樊桐一曰板松二曰圃一名阊风上曰层城一名天庭是谓太帝之居十三州志云山去北海岸十三万里有弱水周匝东南接积石高诱曰河出昆山伏流地中万三千里禹导而通之以出积石山海经乃云自昆仑至积石一千七百四十里又曰西海之南流沙之滨赤水之后黑水之前有大山曰昆仑又曰钟山西六百里有昆仑周穆王昆仑瑶池去周之灋涧特万有一千一百里西王母告穆王云去咸阳乃三十六万里东方朔十洲记方丈在东海之中央羣仙所治为昆仑山有三角曰阊风曰圃曰昆仑宫张华所叙昆仑铜柱为天柱盖本方朔神异经也释氏西域志阿耨达山上有大渊水宫殿楼观甚大即昆仑山穆天子所至即阿耨达宫也西为新头河为天竺诸国皆度葱岭郭璞曰似别有小昆仑

李旼虞部该闻録所取神仙七人尔朱先生朱真人桃椎神和子屈突无为海蟾子刘昭远荣先生火井县许山人汉杜光庭

龙脑香段成式云出波律国树高八九丈可六七尺围干脂为香清脂为膏子主内外障眼又有苍龙脑不可防眼经火为熟龙脑

香谱云麝以一子真香糅作三四子刮取血膜杂以余糝皮毛不辨也 香有二色蕃香蛮香又杂以 人撰作官市动至数千计何以塞科取之责所谓真有三说鹿羣行山中自然有麝气不见其形为真香入春以脚剔入水泥中藏之不使人见为真香杀之取其脐一鹿一脐为真香此余所目击也

仁善盛明曰舜残民多衅曰桀残义损善曰纣慈惠爱亲曰孝爱民好与曰惠圣善周闻曰宣声闻宣远曰昭克定祸乱曰武聪明睿知曰献温柔圣善曰懿布德执义曰穆仁义说民曰元布纲治纪曰平乱而不损曰灵保民耆艾曰明辟土有德曰襄贞心大度曰匡大虑慈民曰定既过能正曰恭不生其国曰声一德不解曰简夙兴夜寐曰敬清白自守曰贞柔德好聚曰靖安乐治民曰康小心畏忌曰儆中身早折曰悼慈仁和民曰顺好勇致力曰庄恭仁短折曰哀在国逢难曰愍名实过爽曰缪壅遏不通曰幽暴虐无亲曰厉致志立圖曰景辟土兼国曰桓经纬天地曰文执义扬善曰怀短折不成曰殤去礼远众曰炀怠政外交曰 治典不敷曰震

太学同官有曾官广中者云沈香杂木也朽蠹浸沙水歲久得之如儋崖海道居民桥梁皆香材如海桂橘柚之木沈于水多年得之为沈水香本草谓为似橘是矣然生采之即不香也

海药本草云降真香主天行时气烧之或引 降省头香即香附子

仓颉解诂云芸蒿似邪蒿可食鱼豢典略云芸香辟纸鱼蠹故藏书台称芸台

南唐女冠耿先生鸟爪玉貌获宠于元宗将诞之夕震雷绕室大雨河倾半夜雷止耿身不复孕大食国进龙脑油上所秘惜先生见之曰此非佳者当为大家致之乃缝夹绢囊贮白龙脑一斤垂于栋上以胡餅盛之有顷如注上骇叹不已命酒泛之味逾于大食国进者又于元宗前搗雪为银铤投红炉淬之成中金指痕犹在又取宫妓箕中粪壤炒为银开宝末内库尚有先生粪银炒小麦于银釜成真珠

禹治水土至北海之北有国曰终北国之中有山山名壶领状若甌甄项有口状若负环名曰兹穴有水涌出名曰神瀛臭过椒兰味逾醪醴一源分为四埒注于山下民饮于神瀛浴于神瀛此列子寓言也

泥壁未干挥涕其上陰雨中化为虫状如蚓

东方介氏之国其国人数有解六畜之语者盖偏知之所得太古神圣之人备知万物情态悉解异 音声防而训之言血气不相殊也

条支国临西海出师子太雀郭义恭广志曰大雀颈及身膺蹄都似橐駝举头高八九尺张翅丈余食大麦其卵如薔今之駝鸟也汉元帝时有大鸟如马驹时人谓之爰居

环王国野象一牡管三十余牝牝者牙才二尺迭供牡者水草卧则环守牡象死共埋之号吼其处乃散

鼈 数食可长发

防鱼心肝及头毒如野

蝥蟬大者力能与虎鬪取之不戒螯能剪杀人

蜃皮殼甚锐然性畏蚊蚊小螫之辄毙燕山錄曰煮羊以防煮鼈以蚊物有相感鶺鴒饮水数升而不足鱣鮪入口若露而死猿有手可以捕鼠而制于鼠鹿有角可以触犬而制于犬

续博物志卷三

卷四

钦定四库全书

续博物志卷四

宋 李石 撰

燧人四佐明由晓升级【政也】必育受税俗【赋也】成博受古诸【侯也】陨丘受延嬉【録也】

伏牺六佐金提主化俗【民也】鸟明主建福【利也】视默主灾恶【害也】纪通为中职【内也】仲起为海陆【土也】阳侯为江海【水也】

黄帝七辅风后受金法天老受天策五圣受道级知命受纠俗窥纪受变复地典受州络力墨受淮斥【力墨或作力牧】陶渊明云事见论语摘辅象

孔长彦孔季彦兄弟聚徒数百故时人为之语曰鲁国孔氏好读经兄弟讲诵皆可听学士来者有声名不过孔氏那得成

孔子生鲤字伯鱼鲤生伋字子思伋生白字子上白生求字子家求生箕字子京箕生穿字子高穿生子顺相魏自叔梁纥至子顺九世徙居大梁

毛虫之精曰麟羽虫之精曰鳳介虫之精曰龟鳞虫之精曰龙裸虫之精曰圣人

刘向校勘以来子歆为七略大凡万三千二百六十九卷王莽焚烧之后王允 而西者仅七十余乘道遠复弃其半荀勗分经史子集为四部大凡九千九百四十五卷西晋李兑以勗旧部校之在者三千一十四卷宋谢灵运造四部目凡四千五百八十二卷王俭造目錄万五千七十四卷齐王亮造书目万八千一十卷梁任昉文德殿所藏二万三千一百六卷元帝克平侯景 文德殿书归江陵凡十余万卷魏师入焚之宋武所 四千卷后周书目八千增至万卷周武平齐仅至五千卷唐灭隋魏郑公尽 图书载以船经砥柱没十之七八大凡八万六千九百六十六卷见在三万六千七百八卷开元中四部目錄凡五万一千八百五十二卷

自秦同书文丞相斯作仓颉篇中车府令高作爰历篇太史敬作博学篇文园令相如作凡将篇黄门令游作急就篇皆书文之林苑欲识字者不可不知惜哉凡将以上不可复见急就章存焉西京文气亦可见矣顏籀注此书尝得皇象钟繇卫夫人王防稽等篇世所 唯张芝索靖二家为真草草书芝有鳳爵鸿鹄等数行靖所书乃三之二自母縛而下阙七百五十字

前辈云于字必字无草书

宋袁淑授庐山公九锡文荷橐致餐尔之功音随时兴尔之智用必应时尔之鸣长颊广额修尾后垂尔之形是用遣中大夫闾丘骞加尔使衔勒大鸿胪斑脚大将军以扬州之庐江吉之庐陵吴之桐庐封尔为庐山公大兰王九锡文大亥十年乙亥朔十三日丁亥燕伯使者豪豨册命大兰王曰咨资豢养于人主虽无爵而有秩君之纯封国家氏君之美白躡彰于周诗涉波应乎隆象君之德长驱直突阵无全锋君之勇

宣父因祷尼山得名丘字仲尼子名鲤字伯鱼史防亦字子鱼冉耕字伯牛如鬬谷于菟之黑臀杵臼之 甚多

宋齐丘乃字超回不自量如此孟轲庄周其字不传或云轲字子輿周字子休皆后人以意取之耳

东汉无复名或云王莽之禁沿袭所致

不可为叵如是尔而已为耳之乎为诸西域二合之音切字之原也

绛州碧落观天尊像高丈余唐龙朔中刺史李湛为母氏太妃追荐所造上有篆文老黄冠云李使君高宗之子有二道士求篆此文闭户篆毕化为二白鸽飞去余一及字欠一画李阳冰于此学篆凡十二年终不得其妙

明皇获二十七仙玉像于宁州罗川县金华洞奇伟异状各各不同内有心星一坐甚美手板复有明皇御名其地属王可思庄其人已百岁后置真宁观改罗州为真宁县今有玉象图传于世

乾元末肃宗获十三寶于楚州改元寶应

天寶中大宛进汗血马六匹一曰红叱拨二曰紫叱拨三曰青叱拨四曰黄叱拨五曰丁香叱拨六曰桃花叱拨上乃制名曰红【阙】輦曰紫玉輦曰平山輦曰凌云輦曰飞香輦曰百花輦后幸蜀以平山凌云为馱西京杂记汉文自代还有良马九匹皆天下骏也一浮云二赤电三絶羣四逸骠五紫燕六绿骊七龙子八驎驹九絶尘号九逸

易林曰防为鸡鸡鸣节时家乐无忧

皇览曰 尤冢在东郡寿张县阡乡城中高七尺常十月祠之有赤气出如绛名为 尤旗

谷城西流泉西北入清水域西北三里有项羽冢石碣犹存题云项王之墓皇览谓去县十五里谬也彭城谷阳城西南又有项羽 水经谓为非鲁为楚守汉王以羽首示鲁乃降遂以鲁公礼葬羽于谷城以谷阳城谷城二冢得非身首异处乎皇览曰山阳钜泽县有肩髀冢黄帝杀 尤身首异处故别葬亦二冢也

济水东北泆水出焉泆水出歷城旧县水涌若轮齐侯防于泆是也有舜妃庙对山有舜祠舜井舜耕歷山亦云在此蒲坂县西有歷观舜所耕歷山有舜井洧汭二水山上有舜庙周处风土记曰舜葬上虞耕处即始宁剡二县山下多柞木吴越之间名柞为析故曰歷山二说一以泆为歷一以析为歷未知孰是皆酈道元说

牧靡县因草得名生牧靡可以解毒鸟多误食乌喙口中毒必急飞往牧靡山啄牧靡以解毒

马出越睽之西若羔纽莎縻之粉米饮之七岁可御日驰数百里

东观汉记王阜为益州太守神马四出滇河中魏末有神马夜过官牧迹大如斗入河水中

真诰金陵古名之为伏龙之地句曲山秦时为句金之坛以积金山得名山生黄金汉灵帝诏采句曲之金以充武库孙权遣宿卫人采金屯伏龙之地因改名金陵陶景云大茅山尚有数坑名金井山之近东诸处碎石往往皆有金砂真诰又云水色白都不学道饮此水亦令人寿亦金津液之所溉耶

冈山有穴通大句曲山有石脑在方山下石脑故如石但小斑色而软形状圆小如甑色似钟乳李整昔有风疾先多房事服此乃愈

豫章城南门曰松阳门门内有樟高七丈五尺大二十五围垂陰数亩汉官仪曰豫章郡树生庭中因以为名

刘歆云湖汉等九水入彭蠡因言九江

沫水出广柔徼外有石纽乡禹所生也

沫水自蒙山至南安濶崖水脉漂疾歷代为患蜀守李冰发卒凿平濶崖河神怒冰操刀入水与神鬪遂平濶崖

续博物志卷四

卷五

钦定四库全书

续博物志卷五

宋 李石 撰

女媧之功烈上际九天下契黄垆名声被后世光辉重万物乘雷车服应龙 青虬席萝图震黄璐援絶瑞前白螭后奔虵

项浚始学篇曰上古有天皇十三头洞防记曰一姓十三人徐整历纪曰岁纪摄提元气肇有神灵一人有十三头始学篇曰人皇九头兄弟九人九州各居其一

夷者觥也其 九畎夷于夷方夷黄夷白夷赤夷 夷风夷蛮者慢也其 八天竺咳首僬侥跛踵穿胷儋耳狗轨旁春戎者凶也其 六僬夷戎央老白耆 鼻息天刚狄者辟也其 五月氐戎貂匈奴单于白屋

蜀蛮邛部川都王蒙备死气未絶其妻子以锦数疋相续系死者曳之于地置十数里外高山 上令气絶乃复以锦被裹而埋之防其族哭之名作鬼亲守近州蛮人说其事倭辰余国或横书或左书或结绳或楔木唯高丽摹寫颢法取正中华

以清水漱口饮酒至斗不乱或曰酒毒自齿入也南人好饮茶孙皓以茶与韦昭代酒谢安诣陆纳设茶果而已北人初不识开元中太山灵岩寺有降魔师教禅者以不寐人多作茶饮因以成俗

楚人陆鸿渐为茶论并煎炙之法造茶具二十四事以都统笼贮之常伯熊者因广鸿渐之法伯熊饮茶过度遂患风气或云北人未有茶多黄病后饮病多腰疾偏死

唐则天于东都造明堂高三百尺九州鼎置明堂之下当中豫州鼎高一丈八尺受一千八百石余各依方面高一丈四尺受一千二百石都用铜五十六万七千一百一十二斤

禹治洪水观于河见白面长人鱼身出曰吾河精也授禹河图而返于渊又曰尧修河洛有五老相谓河图将来告帝以期知我者重瞳也五老乃翻为流星而升于昴

山东风俗遇正月取五姓女年十余岁共卧一榻覆之以衾以箕扇之良久如梦寐或欲刺文绣事笔砚理管 俄顷乃寤谓之扇天卜以乞巧

衡山五岳之南岳也黄帝以潜霍为山之副尔雅云霍山为南岳至汉武以衡山道远徙祭于

庐江潜山或曰衡山即霍山山海经衡山即岫崦山常山者陰终阳始其道长从故北山曰常山亦名恒出五谷四种五获

一升粱米以纯苦酒一斗渍之三日出百蒸百曝遠行一餐十日不饥重餐四百九十日不饥又方米一斗赤石脂三斤水渍之二三日捣为圆如李大可辟谷

灵寶五符经用白鲜米九蒸九曝

庚桑名楚史记作尤桑

夏棘字子棘为汤大夫列子作夏革

月令曰椒是玉衡星精服之身轻能老柏是仙药又云进酒次第当从小起以年少者起先

燃草爆竹起于庭燎

正月望祭门先以杨枝插门随杨枝所指以酒脯饮食及豆粥插筋祭之

酒杯藤出西域藤大如臂叶似葛花实如梧桐花坚可以酌酒有文章映彻可爱实大如指如荳 香美消酒来至藤下摘花酌酒仍以其实醒酒国人寶之不 中土张骞使大宛得之出张骞出关志

菊花舒时采茎叶杂黍米釀之至来年九月九日始熟谓之菊花酒

孟诜云葡萄不问土地但 之釀酒皆得美好

昔有于王敦城下得一铜钲中间铸一物如羊头其身如篆文乃飞廉也

仓颉本鸟迹为字取其孳乳相生故有六义秦用 文烧书古文遂絶或曰大篆出周宣王史籀小篆出秦李斯及胡毋敬又曰古 之书起于秦省篆为 以便文行剧务以明 者篆之防也或曰程邈于云阳增损或云临淄人发古冢得铜棺前和外 为 字言齐太公世孙胡公之棺唯三字是古 知 自古非始于秦或曰秦人王次仲变仓颉旧文为今 文始皇奇而召之三征不至秦檻车征之次仲化为大鸟飞去落二翮于山山有大翮小翮之名

彭城县古彭祖之国也世本曰陆终之子其三曰鑊是为彭祖下曰彭祖冢彭祖长年八百绵寿永世而亦有冢者盖亦元极之化

蒲坂西舜所都有姓刘名堕探挹河流醞成芳酎饮伺枯枝之日醉于桑落之辰故酒得其名方土之贡最为佳酌每云索郎有顾思同旅语索郎反语为桑落也

海中有度朔山上有桃木蟠屈三千里枝东北鬼门万鬼所出入也荼与鬱垒居其门执苇索以食 故十有二月岁竟腊之夜遂以荼垒并挂苇索于门

王充云防稽本山名夏禹巡狩防计于此遂以名郡或曰此非五岳禹时吴裸断髮文身无防计事

董生春秋繁露曰春旱以甲乙日为苍龙长一丈八尺居中央为小龙七各长四尺于东方皆东向其间相去八尺小童八人斋三日服青衣而舞之下三时准此皆燔雄鸡烧豕猪尾于里北门及市中以祈焉

蜥蜴求雨法以土实巨瓮作木 蜥小童探青竹衣青衣以舞歌曰 蜥蜴蜥兴云吐雾雨若滂沱放汝归去

交州安阳王有神人名臯通为安阳王治弩一张一发杀三百人

今之所谓石九十二斤法为准汉秤三百四十一斤也今之蹶弩九石古之二十五石比魏武卒二人之力挽弓三石古之三十四钧比顔高之弓当五人有余

续博物志卷五

卷六

<子部,小说家类,琐记之属,续博物志

钦定四库全书

续博物志卷六

宋 李石 撰

少典产黄帝黄帝产元嚣元嚣产蟠极蟠极产高辛是为帝啻帝啻产放勳是为帝尧

黄帝产昌意昌意产高阳是为颡帝【昌意元嚣弟黄帝次子也】颡帝产穷蝉穷蝉产敬康敬康产勾芒勾芒产螭牛螭牛产瞽瞍瞽瞍产重华是为帝舜及象

颡帝产鯀鯀产文命是为禹

唐六典三年一享帝啻氏于顿丘享唐尧于平阳稷契配享虞舜于河东咎繇配享夏禹于安邑伯益配享商汤于偃师伊尹配享周文王于酆太公配享武王于镐周公配享汉高祖于长陵萧何配享皆以仲春之月

蜀州青城丈人山每岁春秋时享以蔬 以县令行车频秦书曰苻坚高陆县民穿井得龟大二尺六寸背文负八卦古字坚以石为池养之十六年而死取其骨以问吉凶名为客龟曾于梦中自言我将归江南不遇死于秦解曰龟三万六千岁而终苻秦亡之证

秦龟即山中龟不入水水中神龟长一尺二者佳龟见蛇则呬而食之

李德曰扬雄蜀王本纪言张仪筑城依龟行迹筑之到此闻龟壳藏酒库宇文遇曰比尝为主库小吏见龟壳长六尺元和初高崇文截以为带胯

野王县东南有孔子庙有碑魏太和元年孔灵度以旧宇毁址求修复野王令范众爱河内太守元真刺史高允表闻立碑于庙治中刘明别驾吕次文主簿向班虎苟灵龟以宣尼大圣非碑颂所称宜立记焉仲尼闻杀鸣犊旋车而反晋思之为立庙碑云孔氏官于洛阳下追思圣祖故立庙亦犹刘累迁鲁立尧祠于山矣

鸛鸟雄小雌大庶鸟雄大雌小

鸛能救水故宿水而物不害鸛能巫步禁虵啄木遇蠹以觜画字成符而蠹自出鸛有 巢木鸛鸟不能见燕衔土避戊巳日则巢固而不倾鸛有长水石故能于巢中养鱼而水不涸燕

恶艾雀欲夺之则衔置其中

鹭有长翰毛江东人取以为 攤名之曰白鹭縵虎鹰能飞捕虎豹身大如牛翼广二丈

護草一名鹿葱花名宜男风土记云妊妇佩其花生男也

李卫公云金钱花损眼

牡丹初不载文字惟以药见本草唐则天以后洛花始盛沈宋元白亦不及也刘梦得有咏鱼朝恩宅牡丹但云一丛千朵谢灵运言永嘉竹间多牡丹今越花不及洛花远甚或曰灵运之所谓牡丹今之芍药特盛于吴越

杞菊山芋牛蒡道家以为嘉蔬江淮百合根大而味甘南地微苦其次决明合欢槐芽亦可食孙思邈以合欢为萱草嵇叔夜合欢蠲忿萱草忘忧两物也

山萧一名山縵神异经作 永嘉郡记作魅一名山骆一名蛟一名濯肉一名 肉一名晖一名飞龙如鸠青色亦曰治鸟巢大如五斗器饰以土垩赤白相间状如射侯犯者役虎害人烧人庐舍昔值洪水食都树皮饿死化为鸟姚汪王三姓其孙也

俗讳五月上屋言五月人蛻上屋见影魂当去

二广有草名胡蔓以急水吞之即死慢水即缓死取毒蛇杀之以此草覆之洒水菌生其上末为毒药杀人

北人淫南妇辞归以毒置食约以年月复还解以他药不尔毒发死矣谓之定年药南游者宜志之

宋刘亮合仙丹须白蟾蜍白蝙蝠得而服之立死唐人陈子真得蝙蝠大如鸦食之一夕大防而死

小蜘蛛长脚者一名蠨蛸一名长防俗名喜子陆玕防诗名长脚荆州河内人谓之喜母

段成式云主夜神呪可辟恶梦呪曰婆珊婆演帝清泰小字二十三盖正月二十三日生也是日为千秋节人臣奏对但云两旬三日或数物则云二十二更过二十四不敢斥尊也

先贤传鲁有恭士名曰汜行年七十其恭益甚冬日行陰夏日行阳一食之间三起

秦穆公时有人掘地得物若羊将献之道逢二童子谓曰此名为螾常在地中食死人脑若欲杀之以柏东南枝捶其首由是墓皆植柏又曰柏为鬼廷

汉孝和时南海献龙眼荔枝十里一置五里一候交州记曰龙眼高五六丈似荔枝而圆小谢承书曰唐羌字伯游上书谏以龙眼荔枝及生鲜献之驿马昼夜传送至有死者二物升殿未必延年益寿帝从之

魏初传古文出邯郸淳石经古文转失淳法石长八尺广四尺碑石四十八枚广三十丈魏文帝刊典论六碑附于其次陆机太学赞别一碑在讲堂下蔡邕韩说高堂谿等名太学弟子赞复一碑在外门中又一碑汉顺帝阳嘉八年立云建武二十七年造太学永建六年九月诏书修太学工徒十一万二千人阳嘉九年八月作毕有晋辟雍行礼碑是太始二年立

子曰干之动直静专坤动辟静翕其根也天根每日两度蹴入尾闾巨壑则海沸出潮

世传费长房得符于壶公以是制服百鬼其后鬼窃其符因以杀长房

道士尸解谓之身经太阴

李泌在衡山事明瓚禅师瓚云欲学者先将笔砚碎却明瓚北宗大照之门人性懒羣僧令看盐雨至流于池羣僧殴之不怒冬月卧于灶前不起以粥洒其头因就头取吃号懒瓚作明心论

后汉崔篆着易林六十四篇篆邈之祖父或曰卦林或曰象林

白马犹缁布名实而已

续博物志卷六

卷七

钦定四库全书

续博物志卷七

宋 李石 撰

老子谷神不死至用之不勤此章全是黄帝之言今在五千文内则老氏所著书恐非专已出

正月不食生葱三月勿食小蒜四月勿食大蒜五月勿食薤六月七月勿食茱萸成血痢八九月勿食姜并肝心肺十月勿食椒十一月十二月勿食戴甲之物并脾肾

眼者身之镜耳者体之牖视多则镜昏听众则牖闭面者神之庭髮者脑之华心悲则面焦脑减则髮素精者体之神明者身之寶劳多则精散营竞则明消人死必视其形如生人足不青皮不皱目光不毁头髮尽脱而失形骨者皆尸解也武德三年晋州人吉善行于羊角山见白衣父老呼善行曰为吾语唐天子吾为老君即汝祖也高祖因立庙高宗追尊 元皇帝明皇亲注老子令学者习之两京及诸州各置 元皇帝庙京师号 元宫诸州号紫极宫寻改西京为太清宫东京为太微宫皆置学生

莴菜出高国有毒百虫不敢近蛇虺过其下误触之则目瞑不见物有中其毒者唯生姜汁解之

食黄颡鱼后饮荆芥汤即死

草木之生动摇者生而不畅人之导引动摇四体者何故寿而不死

尧若腊舜若腊桀纣之君垂 尺余

王充曰雷公有神雷声有器安得谓之神正月阳动故始雷五月阳盛故雷 秋冬阳衰故雷潜太阳用事陰气乘之陰阳分争则相激射为毒中人则死中木则折人以震死试以斗水沃冶铸之火火气激烈则为雷声或曰雷火之及金石焦镕而漆器不壞何也道家以雷烧石投井中石焦水寒激声大鸣

顏渊与孔子俱上泰山东南望吴阊门外孔子见白马引顏渊指之若见吴阊门乎顏渊曰见之有系练之状孔子抚其目而止之顏渊髮白齿落遂以病死盖精力不及圣人而强役之也

楸似茱萸而小赤色

檣似梨而酢澁鹿食椒橘叶其肉自然作椒橘香江东呼藁为藤似葛而麤大梗似豫章杼斗为栎或言阜斗棧实似柰柚似橙而酢

淮南子曰狠者 知而非知也愚者 君子而非君子也慤者 勇而非勇也使人相去也若玉之与石也葵之与苋也则论人易矣夫乱人者若芎防之与藁本蛇牀之与靡芜

蓂莢一名厯莢圣王以是占日月之数

朱草状如小桑栽长三四尺枝叶皆丹汁如血朔望生落如蓂莢周而复始可以染绛成黼黻之章金银投其汁可使成圆泥投水为金浆以投酒为王醴饮之令人长生出抱朴子

骠国诸蛮并不养 娑罗木子破其殼中如柳絮细织为幅服之谓之娑罗笼段

蚩法煮盐成團为颗质则以颗计之

茶出银生诸山采无时杂椒姜烹而饮之

生金出长傍诸山取法以春或冬先于山腹掘坑方夏水潦荡沙泥土注之坑秋始披而拣之有得片块大者重一斤或二斤小者不下三四两先纳官十分之八余许归私仍累劳効免征赋赅金出丽水河睽川有罪送淘金所 为重役防同川银山出银矿私置冶官 十之三诺睽川有锡山出锡

苏耽郴县人尝与众儿共牧牛更直为师録每至耽直牛不逐自还既而辞母仙去又说年疫穿一井饮之可得无恙

道士谭紫霄有观灯之术说人祸福必中

郭颁世语云魏黄初盗发吴芮 见芮尸容貌衣服并如生吴平发冢人于寿春见南蛮校尉吴纲曰君形貌何 长沙王吴芮乎但君微短耳纲瞿然曰是先祖也自芮卒至 发四百年至纲又四十年矣

丹水有石穴蝙蝠大者多倒悬百岁者倒悬得而服之使人神仙

陶 居云学道之士居山宜养白犬白鸡可以辟邪苏枋木自然虫粪为紫粉

秦二十一年铸金狄十二释氏之源本霍去病讨休屠王获其祭天金人武帝以为神列于甘泉宫魏黄初元年徙长安铜狄重不可致或言金狄泣因留霸城南人有见蓊子训与父老共摩铜狄曰正见铸此时计尔日已近五百年矣董卓毁其九为钱苻坚毁其二为钱其一百姓推置陝北河中或云翁仲头髻常出晋军至髻不复出

陈正敏所取者陈抟李洎林逋魏野皆遯世之士希夷先生陈抟服气辟谷二十余年或寝百余日不起太平兴国中召入复放还山一旦自作表云臣抟大数有终圣朝难恋已于今月二十二日化形于莲华峰如期而卒七日支体犹温五色云蔽洞口弥月不散已百余岁矣

刘向列仙 葛洪神仙 沈玠续仙 曾慥集仙传以异代事着于本朝者自尔朱洞吕嵒陈抟贺元曾被祖宗眷异者名臣如欧阳修刘凡石延年皆在贺元仕石晋为水部员外郎章圣东封谒道左天圣初使弟子喻澄诣阙献浮屠老子像直数十万

毛女在华山山客猎师世世见之体生毛自言秦始皇宫人陈抟在华山或谤以与毛女往来

孔安国撰孔子弟子七十二人刘向传列仙亦七十二人皇甫士安撰高士亦七十二人陈长文撰耆旧亦七十二人

李泌絶粒五六载身轻能行于屏风上引指使气可以吹烛至灭导引骨珊珊有声号鑠子骨

鬻子名熊楚人为文王师年九十见文王曰使臣捕兽逐麋已老矣使臣坐策国事尚少也

按葛仙公云素书乃河上公以授汉文帝也黄石公所授张子房多云陰符非也一云三略乃子房所着非所授之书或曰河上公授汉文帝不应于子房墓中得之黄石公丹书身之八杀贪残奸酗狡佞讪愆命之四业背惠恃已狎不肖妬贤能

昔有一人好道而不知求道之方惟朝夕拜跪向一枯树輒云乞长生如此二十八年不倦枯木一旦忽然生华华又有汁甜如 有人教令食之遂取此华及汁并食之食訖即仙

刘少翁曾数入太华山礼拜向山如此二十年遂忽一旦得见西岳丈人授其仙道

一人数旦旦诣河边拜河水如此十年河侯河伯遂与相见与之白璧十双教授水行不溺法

薏苡一名薏珠 子蒸令气馏曝干按取之作饭麪主不饥

作干姜法水淹三日毕置流水中六日更去皮然后曝干入瓮瓶谓之釀也

淫羊藿一名仙灵脾淫羊一日百遍食藿所致

新生艾作干菜妙作馄饨吞三五枚以饭压之良疗一切鬼气

苏合香本草云生中台川陶云是师子屎又云是诸香汁煎之非一物从西域来者如紫檀重如石蓂莢是山葡萄

江东人通名杨柳杨叶短柳叶长

高座道人不肯作汉语或问此意简文曰此简应对之烦和尚一名尸梨密宋云高座西域人三国王子以讓弟遂为沙门永嘉中到中国

顺帝时琅琊宫崇上其师于吉于曲阳泉水上得神书百七十卷号太平清领书其言以陰阳五行为家而多巫覡杂语后张角颇有其书按江表传道士于吉东来吳防立精舍烧香读书孙策斩之曰昔南阳张津为交州刺史常着绛帕头鼓琴焚香读邪俗道书为蛮夷所杀此甚无益

真诰云吞琅玕之华而更营丘墓者美门子高丘子洪崖先生美门子墓在幽州渔阳高丘子墓在中山洪崖先生墓在武威此三郡县人并云上古死人空

王子乔墓在京陵战国时有发墓者惟见一劍

汉地理志大江九江中一源而三目

扬雄益州箴岩岩岷山古曰梁州鲁城北有孔子学堂蜀有文翁讲堂北海有郑司农儒林讲堂宅亦曰第言有甲乙之次第也汉书成帝有甲观中画堂魏有茅堂

续博物志卷七

卷八

钦定四库全书

续博物志卷八

宋 李石 撰

后汉襄楷延熹中上疏云宫中立黄老浮屠祠陛下嗜欲不去岂获其祚或云老子入西北为浮屠浮屠不三宿桑下不欲从生恩爱精之至也天神遗以好女浮屠曰此但革囊盛血遂不盼之

汉帝问陈蕃徐稚 宏孰为后先蕃答 生公族不镂自雕至于徐稚杰出薄城故宜为先

伏生为秦博士文帝撰五经尚书大传使掌故欧阳生等受尚书于伏生漯水有征君伏生墓

晋书地道志曰辽西人见辽水上有浮棺欲破之语曰我孤竹君也汝破我何为因为立祠或曰汉灵帝时辽西太守廉翻因梦得之【此与前志小异】

沈彬保大中以尚书致仕居江西高安手植一木于平野戒诸子曰必葬我此地子孙伐木掘土深丈余得一石椁上刊八字云开成二年寿椁一所即葬之

墨子恶乐故朝歌回车论譔考讖曰邑名朝歌顔子不舍七十弟子掩目宰予独顾由蹙堕车宋均曰子路患宰予顾视凶地故以足蹙之

齐时有发古 得铭云青州二十子东海女郎河东贾昊以为司马越女嫁为苟晞子妇验之果然

东都殖业坊十字街有王戎墓隋代釀家穿其旁作窖得铭曰晋司徒尚书令安丰侯王君铭

广川王去疾发魏王子且渠 甚浅狭无棺柩有石牀牀下悉是云母牀上两尸一男一女皆年二十许东首裸卧顔色如生人 髮齿牙亦如生人王畏惧不敢近

周灵王冢尸亦不壞惟王蟾蜍一枚

幽王冢甚高壮云母深尺余百余尸相枕藉皆不朽惟一男子余皆女子

栾书冢有一白狐王击之伤其足王寻病足死

萧颖士与行侣共济瓜洲舟中二少年相顾曰甚有肖鄱阳忠烈王颖士是鄱阳曾孙即自款陈二子曰吾识而祖从矣遽负担而去颖士北归盱眙吏获发冢盗五六人颖士认江中二少年亦在内颖士以前说询之曰我尝开鄱阳王冢当门贵人颜色如生与颖士相 此与吴纲似吴芮事颇同芮事出水经颖士薛用弱集异记

九真山多大蛇名曰髯蛇长十丈围七八尺吞鹿角骨鑽皮出夷以大竹籤杀而食之杨氏南裔异物志曰髯惟大蛇既洪且长采色駁萃其文锦章食犬吞鹿 成养创宾享嘉燕是豆是觞

武强县有行于涂得一小蛇养之名担生长而噬人里人遂捕系狱担生负而奔邑沦为湖县官吏为鱼矣

汉光武二年鲜于冀为清河太守作公 未就而亡后守赵高计工用二百万黄秉刘适言四百万冀乃鬼见白日导从入府与高及秉等对共计校定为适秉所割匿冀乃书表自理言高贵不尚节垆亩之夫而箕踞遗 世求显偷窃银艾鄙辱天官臣不胜鬼言去三十里车马皆灭不见秉等伏地物故高以状闻诏差代以旌幽中之讼

老人晨渡朝歌水而怯紂曰老者髓不实故晨寒因斲胫以视髓

紂有新声靡乐作邑朝歌史记曰朝歌之音歌不时也虞虢之间传说 室傅岩俗名之为圣人窟

刘向叙晏子春秋称古冶子曰吾尝济于河鼃衔左 以入砥柱之流吾从而杀之

孔子临狄水而歌曰狄水衍兮风扬波船楫颠倒更相加汲县旧汲郡有石夹水为磻溪太公钓处有太公泉太公庙牧野竹书作毋野有比干墓前有石铭题 云商大夫比干之墓所记唯此汉高祖孝文各为立碑

顔舍字洪都兄畿得疾死于医家人迎丧引丧者颠仆曰我寿命未死但服药太多伤五臟耳及还妇梦之曰吾当复生急开椁以手刮棺指爪尽伤气息甚微饮食所须托之以梦舍侍养足不出户者十三年畿竟不起

二广深谿石壁上有 影如澹墨画船人行以为其祖考祭之不敢慢俗好于门画虎头书鬻字谓陰司刀鬼名读汉旧史傩逐疫 又立桃人苇索沧耳虎等鬻字盖沧耳也

俗 钟馗起于唐明皇之梦非也北史尧暄本名钟葵字辟邪于劲字钟葵宋宗慤妹名钟葵非特明皇时但葵馗二字异耳又曰终葵菜名闽中多木绵植之数千株采其花纺为布名吉贝南史言林邑等国出古贝木以古为吉讹也

枞松叶柏身桧柏叶松身

黄公好谦女有国色而谦其美以为丑也女至难嫁有鰥夫冒娶之乃国色果信黄公之谦

魏田父耕于野而得玉弗识也邻人陰欲得之给曰此怪石也田父置玉于室其光烛夜果以为怪弃之于野邻人从而盗之以献魏王玉工望而拜曰此无价之寶

陶 居书自奇世传画板帖及焦山下瘞 铭皆其遗迹

王防稽七子凝操徽涣献五人书迹传世惟 肃二人未见而五子书各不同盖善学父书者

郝氏夜祠佛鬼车乘烛光而下翼广丈余九首互相低昂其家呼犬持杖逐之坠一羽长三尺许广八九寸色 鷲雁

江浙间有鸟名飞生狐首肉翅四足如兽飞而生子即随母后人有难产以其爪安胷腹间立验亦有得其皮者

有异鸟鸣如婴儿巢于木探得其雏大如鷲青首白面觜爪 鷹鵝或曰此鹏也

高丽人参赞三桠五叶背阳向陰欲来求我椶树相寻椶木叶似桐甚大陰广参多生其陰

王孙一名黄孙一名黄昏孙思邈有黄昏散注云黄昏木或曰合欢合昏夜合花陈无已云探囊一试黄昏汤草部木部黄昏为二物郭璞曰守宫槐昼日褰合而夜舒布也江东有木与此相反俗因名合昏古今注云合欢似梧桐枝叶互相结风来解使人不忿嵇康种之于舍前

续博物志卷八

卷九

钦定四库全书

续博物志卷九

宋 李石 撰

南昌县出然石异物志云色黄而理疎以水灌之便以鼎炊物可熟置之则冷如此无穷元康中雷孔章入洛赍以示张公张公曰此谓然石

晋书曰汉末博士炖煌侯瑾善内学弱水出流沙流沙与水流行也在西海郡北山有赤石白色以两石相打则水润打之不已则润尽火出山石皆然炎起数丈不灭有大黑风自流沙出掩之乃灭其石如初不敢轻近耳

火井以草爨之则烟腾火发汤井以草纳之则露凝铎销状如刀戈残刃有孔旁达出丽水饰以金所指无不洞夷人尤寶月以血祭之俗谓天降非人铸郁刃铸以毒药冶取跃如星者淬以马血成之伤人即死刀劒以柔铁为茎干不可纯用钢纯钢不折则缺

天寶中交趾贡龙脑如蝉老龙脑树节方有禁中呼为瑞龙脑上惟赐贵妃十枚香气彻十余步

蓬莱山使高丽者望之甚远前后下峭拔可爱其岛属昌国县其上平广可以种蒔岛人云蓬莱三仙山越弱水三万里不应指顾间便见此外不复见山

马绪谪潮得巨蚁长尺余盐渍之归夸北人

两头蛇马鼈食牛血所化

鸚鵡毛氏曰桔鞠郭璞谓布谷雉鸚毛氏云王雉郭璞谓鸚鵡斯毛氏云卑居父云鸦乌郭璞云小雀好羣飞毛云桑扈为窃脂郭璞云为青雀好盗脂

海州有人持一束黑物形如竹箴其人云海鱼腮中毛可作屏风贴色似水牛角头似猪鬃长三四寸广可一寸

人家有小虫至微而响甚寻之卒不可见号窃虫大如半胡麻形似鼠妇有两角白色振其头则有声孟康朝作赋比之鬼魅

海州有沟水通淮过漕船寶应中堰破水涸东海主修堰堰成輒壞或说梁代筑浮山堰以铁

数万斤填积其下乃成堰之壤如雷声至是声闻上流盖铁味辛辛能害目鱼龙防目故畏铁也有人淬劒于池池鱼皆浮去

张勃吴録曰彭泽有鸟接食團饭投之高下无失巫山迎船鸟亦然

凡鸟三指向前一向后鸚鵡两指向后

汉明帝永平五年长安迎取飞廉并铜马置上西门外晋灼曰飞廉鹿身头如雀有角而蛇尾豹文应劭曰飞廉神禽能致风气

宣王好射三石之弓而自以为九石臣下从而悦之以非大王不能用其实三石也九石名而已

周官全羽为旛析羽为旌道路用旌节即此旌也顾恺之画苏武所执之旌上圆如幢下复数层红羽骖骖然如夜合花此析羽也今卤簿中节颇 此其首亦圆相去尺余有数重圆板以牦牛尾缀之亦析羽遗法然苏武汉节则旌节之制至于龙节虎节玉节之 则今虎符之但可合符不必尽为旌耳顾画节首一物若书卷岂亦合乎汉铜符以铜为之竹符以竹五寸镌刻篆书其上

砚谱载天下之砚四十余品以青州红丝石砚为第一端州斧柯山石为第二歙州龙尾石为第三

夜藏饮食于器中覆之不密鼠欲盗食不可至环器而走泪滴器中食之得黄疾通身如蜡

鍤石 金碓硃 玉木兰类桂奚醢类檀蛇牀类靡芜人参类芥苾桧类柏狐狸 狗鸞鷩鳳野马 麟

肃宗时有告保定太守反者令李泌乘千里马往案之千里马宁远所献髮拳紫色状如八骏乘者必衣裘冒絮似北人抱持早发扶风初驰三十里则皆旁侧跳三十里外乃隕然而去惟闻耳傍风声飞前蹄之土过耳辰时达保定申时归奏事

颛帝有三子而亡去为疫鬼其一居江水为疫鬼其一居弱水为罔两其一居人宫室樞堦善惊人小儿

脚弱病用杉木为桶濯足排樟脑两股间以脚棚系定月余即效

杂令曰蹄人者绊其足齧人者截其耳说文牛触者角着横木

有一狼子生平多逆父防父临死嘱曰必葬我水中意其逆命得葬土中至是狼子曰生平逆

父命死不敢达防也破家筑沙潭水心以葬

本草经曰虎啸风生龙吟云起磁石引鍼琥珀拾芥漆得蟹而散麻得漆而涌桂得葱而软树得桂而枯戎盐累 獭胆分杯其气爽之相关感也

一曰偏记二曰小录三曰逸事四曰鐫言五曰郡事六曰家史七曰别传八曰杂记九曰地理十曰都邑

唐大顺元年六月资州兵王全义妻如孕觉物渐下入股至足大拇痛甚拆而生珠如弹圆渐长大如杯

西京相璠曰京有小索亭世语以为本索氏兄弟居又为索水晋志京有大索小索亭汉书京索之间也

纪信 在荥阳城西北三里

汉长安巧工丁缓作卧褥香炉炉体常平又作七轮扇连七轮大皆径尺一人运之满堂寒战今二法并存

计然云人受命于天地变化而生一月而膏二月而脉三月而胚谓如水泡之状四月而胎谓如水中虾防胎也五月而筋六月而骨谓血气变为肉肉为脂脂为骨也七月而成形八月而动九月而躁十月而生

九章算法方田一粟米二差分三少广四均输五方程六傍要七盈不足八钩股九

语林云王中郎以围棋为坐 或亦谓之为手谈又谓之为碁圣

窰薮王叡云东方朔以为寄生卖饼人结茅为经以戴头上状如环

蟹鬬精上有孔其中有子有泥食之杀人

露布防书之别名以帛书揭之竿魏武奏事谓之露板公孙龙以书有四目四聪遂以听天地人为臧之三耳臧善也以白马非白马教也其意若改其说无以教人

易之生物奇偶三才之数三三而九九八十一主日日数十故人十月而生八九七十二偶以承奇奇主辰辰主月月主马马十二月而生七九六十三三主斗斗主狗狗三月而生六九五十四四主时时主豕豕四月而生五九四十五五主音音主猿猿五月而生四九三十六六主律律主禽兽故禽鹿六月而生三九二十七七主星星主虎虎七月而生二九一十八八主风故虫八月而化

陶答子妻曰南山有豹雾雨七日不下食者欲以泽其衣毛而成其文章故藏以逯害

齐民要术曰梧桐山石间生者为乐器则鸣

周书曰清明之日桐始华桐若不华岁有大寒

太行即五行之异名淮南子曰武王欲筑宫于五行之山

猗顿鲁之穷士耕则常寒闻朱公富往问术焉朱公曰子欲速富常畜五牝

童子操戈与孟贲战孟贲无不胜童子修礼尽敬虽孟贲不忍犯

鸱食桑椹则醉猫食薄荷则醉虎食狗则醉

管子曰聴宫如牛鸣窳中

牛聋瞶面牛鼓簑是也

积皁荚置油瓶其中永不蛀踏鸡子殻令人患白癩风践壤灶土令人害疮

桑柴灰取汁煎白矾治壁镜蛇毒石榴名天浆已乳石毒

桃根为印可召鬼

卧欲缩足不欲左脇

牖里在汤陰县广雅称狱犴也夏曰夏台商曰羗里周曰囿圉皆圉土也

续博物志卷九

卷十

钦定四库全书

续博物志卷十

宋 李石 撰

旧说千岁之龟巢于莲叶游于卷耳之上

按干凿度日垂皇策者盖伏羲用蓍卦已重矣然而世质民淳法惟用七八六十四卦皆不动若干止于乾坤止于坤不能变也夏商因之皆以七八为占连山归藏是已后世浇薄始用九六为占不如是不足以应天下之变

诸侯叛桀关龙逢引皇图以谏桀桀杀之伊尹谏桀桀曰天之有日如吾之有民日亡吾乃亡矣【与前志小异】

纣剖比干观其心桀杀龙逢无剖心之事桀惟比之于日纣乃诈命于天

西伯军至鲋水纣使胶鬲 周师问曰西伯将焉之曰之薛胶鬲曰无我欺曰不子欺也将伐纣曰何日至曰以甲子胶鬲以是日报纣是日雨甚卒病请休师西伯曰胶鬲已报其主以雨进兵救胶鬲之死也商容与殷民观周师之入见毕公曰吾新君也容曰非也其人将有急色君子临事而惧见太公曰吾新君也容曰非也其人虎踞而鹰趾当敌将众威怒自倍见利即前不顾其后故君子临众果于进退见周公曰吾新君也容曰非也其为人忻忻行休志在除贼是非天子则周之相国故圣人临众知之见武王曰吾新君也容曰圣人为海内讨恶见恶不怒见善不喜颜色相副以是知之

犀出越睽以陷羿取之每杀天震雷暴雨

野桑生石上取以为弓不胶漆而利

淮南子曰鲧堙洪水盗帝之息壤帝使祝融杀之于羽渊今荆州南门外有状若屋宇陷土中而犹见其脊旁有石记云不可犯畚鍤所入辄复如故又颇以致雷雨近代有妄意发掘水岔出不可制【与前志小异】

佛楼沙国有佛鉢受三斗许青玉也或曰青石或曰杂色而墨多四际分明厚可二分贫人以少华投中即满富人以多华正复百千万斛终不满或曰在月支国

穆天子传曰天子賁于西王母乃纪其迹于弇山即西王母之山

武王既胜纣登邠之阜以望商邑曰自发未生六十年麋鹿在牧蜚鸿满野徐广乃引内史边之言曰夷羊在牧张华以为文王之词曰水潦东流飞鸿满野又曰自发未生之十年【与前志小异】

淮南子曰乱之所生皆在流遁大兴宫室延楼栈道鸡栖井干 木橧栌以相支持木巧之节此遁于木也

魏军南伐朱修之守滑台城不下其母悲忧乳汁惊出乃号踊告家人曰我年老非有乳时今出其不免是日城陷

帝王世纪尧时厨中自生肉脯薄如翼摇鼓则生风使食物寒而不臭

尧缉獬豸之皮以为帝帐

岭南溪洞中往往有飞头者故有飞头老子之号头将飞一日前颈有痕匝项如红缕妻子共守之及夜生翼飞去晓却还

梵僧菩萨胜言阇婆国中有飞头其俗所祠名曰虫落因号落氏

河图曰少室山大竹堪为甑器山海经舜林中大竹一节可以为船汉竹大者一节受一斛小者数升为梓榼广志曰云母竹大竹也攤竹细而多刺也 竹堪作 簰竹宜为屋椽 竹皮青内白如雪輭韧可为索

竹谱曰竹之品 六十有一

南越以孔雀珥门户昆山以璞玉抵乌鹄

燕避戊巳蝙蝠伏庚申一岁三 则桑弱马耗

孔子曰违山十里蟋蟀之声犹在于耳政事恶哗而善肃

蚯蚓长吟地中江东谓之歌女

木瓜味酢善疗转筋陶 居云如转筋时但呼楸名及书上木瓜字輒愈

谷胶可以团丹砂又曰为金石之漆

橘柚雕于北徙石榴郁于东移

吕氏春秋曰善学者若齐王之食鸡必食其跖数千而后足也

慕容廆有马跨四十九年骏逸不亏铸铜为之像亲为铭讚

拔拔力国有异兽名駝牛皮似豹蹄 牛无峯项长九尺身高一丈余

水麝天寶初虞人获水麝诏养之脐中下水沥滴于斗水中用洒衣至败香不歇每取以针刺之投以真雄黄香气倍于肉麝此与前说水麝小异并録之

张华为黄门侍郎博览图籍千门万户画地成图司马迁欲自成一家追 经传之文以从世变可也至改古文尚书论语可乎

楚王使屈原造为宪令属草藁未定上官大夫见而欲夺之原不与防之曰王使屈平为令众莫不知每一令出平伐其功以为非我莫能为也王因是疏屈平

庚桑子出山人王士源采莊子庚桑篇为之目云其先人于山中得古本唐人疑之竟不施行今亢仓子三卷是也

汉蜀人赵賓好异说以气无箕子箕子者万物芟滋也顏师古曰古皆芟箕同音

贵妃以假 为首饰曰义髻僖宗内人束髮甚急为囚髻唐末妇人梳髮以两 抱面为抛家髻

望梅生津食芥堕泪此五液之自外至也慕而垂涎愧而汗发此五液之自内至也

良常山有荧火芝大如豆夜视有光得食一枚心中一孔明食七枚七孔明可夜书华阳洞亦有五种夜光芝包山有白芝

王叡云有书契以来便应有笔世传蒙恬制非也崔豹曰蒙恬以枯木为管以鹿毛为柱羊毛为被所谓毫非今之竹兔也

元和中元稹使蜀营妓薛涛造十色彩牋以寄元稹于松华纸上寄诗赠涛蜀中松花纸杂色流沙纸彩霞金粉龙凤纸近年皆废唯余十色绫纹纸尚在

湘州记蔡子池南有石臼是蔡伦舂 臼

李司徒勉在汴州有异骨一节可为砚南海时得于海商云是蜈蚣脊骨

萧史与穆公链飞雪丹第一转与弄玉涂之今之女银膩粉也三代以降涂紫草为胭脂周以

红花为之或曰出于阌氏

葛洪曰沈义学道于蜀中与妻共载

管子曰武王为侈靡令曰豹檐豹裘方得入庙故豹皮百金功臣之家粟千钟而未得一豹皮

陵阳子明经云春食朝霞日欲出时黄气也秋食沦阴日没以后赤黄气也冬食沆 夜半气也夏食正阳南方日中气也并天黄地黄为六气

墨子作木鸢飞三日不集公输子之云梯墨子之飞鸢是也

今之纸鸢引丝而上令儿张口望视以泄内

同光中庄宗遣平蜀得王衍金银命悉镕之为金埴银埴约重三百斤一埴开一窍二人担之上有匠人名曰冯高过荆南高季兴曰冯高主属我坑官吏持而有之储为一库皇朝建隆中金银入京师斤两封緘如故

华俗谓上金为紫磨金夷俗谓上金为杨迈金

印子金世传淮南王安药金上有印子篆文刘主字寿州八公山土中耕者往往得之小餅重半两有一印大餅至七两有二十许印

襄赵之间故春陵白水之地多得金麟趾褭蹄金趾中空四旁有文刻工巧褭蹄似于平物上滴成如干柿土人谓之柿子金或曰此娄敬所为药金和药 良

古玉器有奇特非雕琢人功者多是昆吾刀及虾蟇肪所刻肪可得取肥者剉煎膏涂玉亦软滑易截

冬瓜仁七升以绢袋盛之投三沸汤中暴干如此三度苦酒浸一宿为末日服方寸匕令人不老

通天犀千岁者长且锐白星彻端出气通天则能通神可破水骇鸡矣抱朴子有白理如线者以盛米鸡即骇刻为鱼衔入水水开三尺

勒毕国人长三寸有翼善言语戏笑因名语国饮丹露为浆丹露者日初出有露汁如珠也

汉武习水战作昆明池钓鱼纶絶而去梦鱼求去其钩明日帝戏于池见鱼衔索为去之复游于池得珠一双

东海员峤山有水蛭长七寸有鳞角以霜雪覆之始为蛭其色五防织为文锦入水不濡投火不燎

石决明亦名九孔螺

鱼子合猪肝食之杀人

陈藏器云螭脚中髓及脑壳中黄并能续断絶筋骨碎之微 内创中筋即连

方言云桂林之中谓守宫能鸣者与蛤蚧相似

蜘蛛网 赘疣七日消烂屡有验

柚似橙而大于橘石 其实乳糖

芎防不可久服令人暴死

藕与 同食可以休粮

淮口扬州出身梨苏合香一两酒一斗同煮极能调和五臟

董蕖者婆罗门云阿魏苗根似白芷

胡麻性与茯苓相宜即巨胜

苦参为齿药使人伤肾腰重 麝冷

枣与棘相 皆有刺

粳粟米五谷中最硬得浆水易化仓粳米炊作干饭食之止痢

采芸香叶置席下能去蚤虱子

仙家谓醋为华池左味

白髮须镊去消蜡防孔中即生黑者

松脂杏仁枣肉茯苓等分食后服五十粒可不饥有黄连桔梗勿食猪肉有茯苓勿食酢物有细辛勿食生菜

古无纯铜作镜者皆有锡杂之

巴豆神仙食一枚即死鼠食三年重三十斤

赭金是毒蛇屎

征姓举事当忌亥日以火絶在亥

巳日巳年不杀蛇

段成式云神荼郁垒领万鬼

疟鬼小不能病巨人故曰壮士不病疟晋人曰君子不病疟蜀人以疟疟为奴婢疟

沈懷遠南越志曰珠有九品寸五分以上至寸八九分为大品有光彩一边小平似覆金者名瑯珠瑯珠之次为走珠走珠之次为滑珠滑珠之次为磊螺珠磊螺珠之次为官雨珠官雨珠之次为税珠税珠之次为葱珠

元封二年大秦献花蹄牛高六尺尾环绕角生四耳阿萨部多蜡虫鹿剖其肉重垒以石压之沥汁税波斯郁林等国草子釀于肉汁中经数日即变成酒饮之可醉

续博物志卷十